

Jeremaia

Isrel ämawebetä Anutu täño man nämo buraminayän täño uwä iwantä pübä api yämagut yäpmän kuneñ

Jeremaia 1:4-10

Ekänitä Jeremaia profet epän täkta iwoyänjukuk

1 ⁴Yawe täño mantä jukunaken ñode äpmonjukuk;
⁵“Gäk meñka koki gänañ nämo gepmañpa ahänjiri nadän gamiñkut. Ba meñka koki gänañ naniktä kwawak nämo ahänjiri gäk iwoyänñpäñ näkño mena jinom yäpmänñpäñ äma äbori äbori uken yänahäkta gepmañkut.

⁶^bYawetä ude näweränä iwetkut; Ekäni Yawe ärowani, ude nämo! Näk äma gubanigän yäk. Upän gäkño man jide täñpäñ api yänahäwet. Mena bäräpi. ⁷Näkä Yawe ude iwetkuro upänkañ ñode näwetkuk; Näk gubanigän yän nämo yäwen. Nämo, äma äbot u ba u gäwetpewa kwayän täyanken u kuñkañ man gäwerayän täyat ugänpäñ api yänahänñpäñ yäweren. ⁸^cNadätan? Yawe näkä ñode yänkehärom täyat; Näkä gäkkät itkañ watä säkgämän api it gamero unita ämawebe unita nämo umuntäwen.

⁹^dUde näwetkañ Yawetä keru jinomnaken peñpäñ näwetkuk; Eruk, näkñaken man mekaken peyat. ¹⁰U ka! Apiño näk äma äbori äbori ba unitäño intäjukun ämaniye intäjukun it yämikta kehäromi gamitat.

^a 1:5 Sam 71:5-6; Rom 8:29; Gal 1:15-16 ^b 1:6 Kis 6:12 ^c 1:8 Mat 10:26; Luk 12:4; 2Ti 4:18 ^d 1:9 Ais 49:2; Mat 10:19; Luk 2:15, 12:12

Kehäromi unitä äma äbot ätu api täñpi waneñ. Täñ äbot ätu kehäromi uterak yäpi tägañirä kehäromigän api itneñ.

Jeremaia 7:1-15

Anutu täño yotta jukuman

7 ¹Yaweken nanik man ñode Jeremaia jukuniken äpmonjukuk;
²Gäk päñku Yawe täño yot yämaken itkañ man ñode yänghäñpäñ kañ yäwet; Juda ämawebe Yawe iniñ oretta ño äbäk täkañ in Yawe täño man ño nadäwut. ³Yawe Kehäromi mähe mi, Isrel täño Anututä ñode yäyak; In irit kuñat-kuñat ba täktäkj in yäpmän äyänutpewä tägawän. Ude tänayän täño uyaku kome ñoken pen itneñta api nadän tamet. ⁴^e In jop manman ñode yänpäñ uterak nämo yäpmän wädäneñ; Säkgämän itkamän! Ñowä Yawe täño kudupi yot, ñowä Yawe täño kudupi yot, ñowä Yawe täño kudupi yot! ⁵Ude nämo! Inä bureni-inik irit ba täktäkj in yäpmän äyänutpewä tägawänpäñ äbotkayekät kudän siwonigän kowata kowata täñpeñ kuñatneñ. ⁶Ba äma ban nanik inkät irani, ironi kodäñani, webe kajat, udewani ärowani nämo täñ yämineñ, ba äma momini nämo, kumän-kumän nämo däpneñ, ba anutu jopi bäneppin täñpawak täkañ u nämo nadän yämineñ. ⁷Ude tänayän täño uyaku kome orajiyetä tärek-täreki nämo itta bian yäniñ kireñkuro ño in pen it yäpmän kukta api nadän tamet. ⁸Upänkañ nadäkañ? In man bureni nämo, jop manman pähap terak yäpmän wädäk täkañ. Jide? Ude täñkañä bureni kañ-ahäk täkañ? Nämo!

⁹Inä kubota täk täkañ, äma kumän-kumän däpmäk täkañ, kubokäret kädet iwat täkañ, ba jop manman terak wohutpäñ yänkehäromtak man yäk täkañ. Täñpäñ anutu jopi Balta gupe kabäñi nitek ijiñ imik täkañ, ba anutu jopi ätu bian nämo yäpmän kuñarani u iwat täkañ. ¹⁰Eruk jide? Kudän waki näkä taräki nadäk täyat u täñkañ näkä yotken wäpna itakken ño äbänpäñ inamnaken itpäñ ñode yäk täkañ uwä täga ba?; Yot ñonitä äyuñ täñ nimiñirän inamkaken säkgämän itkamän! ¹¹^f Jide? Yot ño gänañ näkño man pätak u intä nadänirä kubo äma ätu täño kabop irit bägup ude äworetak ba? Nämo, Yawe näkä tabänpäñ-nadäk täñ yäpmän äbut!

¹²^g Eruk, Silo komeken imaka täñkuro u kuñkañ kañ kawut. Yotpärare unitä jukun naniñ oretta wäpna peñkuro upänkañ Isrel ämawebenaye täño waki unita yänpäñ kome u täñpa wañkuñ. Unita juku piwut! ¹³Inä wakiwaki u pen täñ irirä Yawe näkä jukuman wari wari täwet yäpmän äburo upänkañ nämo nadän namiñkuñ. Näk inken gera yänkuro upänkañ

^e 7:4 7:8,10,11; Luk 3:8 ^f 7:11 Mat 21:13; Mak 11:17; Luk 19:46 ^g 7:12-14 Jos 18:1; Sam 78:60; Jer 26:6

naniŋ yäkta bitnäŋkuŋ. ¹⁴Unita Silo yotpärareken täŋpawak täŋkuro, yot näkŋo wäpna nitek ŋo udegän api täŋpet. Bureni, kudupi yot näkä äbekjiye orajiye ba inta tamani unita nadäŋjirä ärowani täk täkaŋ u, Silo yotpärareken täŋkuro udegän api täŋpet. ¹⁵Näkä iŋamnaken nanik api dämpänpäŋ täwat kirewet, Efraim äbot notjiye kudup täŋ yämiŋkuro udegän.

Jeremaia 11:18-20

Jeremaia kumäŋ-kumäŋ utta man topuŋ

11 ¹⁸Ämatä näk täŋpawakta man yäŋpäŋ-nadäk täŋkuŋo unitäŋo biŋam Yawetä näwet ahäŋjirän nadäŋkut.

¹⁹Bureni, näk tom bätaki udewani, ämatä dämpayäŋ yäŋ-yäkŋat yäpmanŋ kuk täkaŋ ude. Näk nutta yäŋpäŋ-nadäk täkaŋ yäŋ nämo yabänpäŋ-nadäŋkut. Uwä ŋode yäŋkuŋ; Eruk päya mujipi nitek kaŋ madäna! yäk. Madäŋpena paotiniŋ täŋjirän ämatä unita kaŋ guŋ tawut!

²⁰Näka ude yäŋkuŋo upäŋkaŋ Yawe kehäromi mäheŋi, gäk ämawebe täŋo bänepi nadäk-nadäki bok täŋpäŋ-yabäŋkaŋ kudän siwoŋi terak yäpmanŋ danik täyan. Urita bäräpi ŋo gäk ketka terak peŋjira kokwawakka äma uterak pewi äroŋjirä kaŋ yabäwa.

Jeremaia 15:15-21

Yawetä Jeremaia bänepi täŋkehärom takta man iwetkuk

15 ¹⁵^hTäŋpakaŋ Jeremaia näkä Yawe ŋode iwetkut; Yawe, gäk näkŋo bäräpina nadätan unita nadäŋ namiŋpäŋ täŋkentäŋ namisi. Täŋkaŋ äma näk täŋpawak täŋ itkaŋ ŋonita kowata komi yämisi. Yabäŋ äwaräkuk täŋjiri näk kumäŋ-kumäŋ nämo nutneŋ. Nadätan? Näk gäkŋo epän täŋjira iwan u täŋ namik täkaŋ. ¹⁶ⁱKadäni kadäni man näwet täŋkuno u yäpmanŋpäŋ iyap taŋkut, ämatä ketem yäpmanŋpäŋ nak täkaŋ ude. Täŋjira manka unitä bänep oretoret taŋi pewän ahäŋ namiŋkuk. U imata, näk Yawe Anutu kehäromi mäheŋi gäkŋata biŋam itat unita.

¹⁷Näk äma käbeyä täŋkaŋ man jopi-jopi yäŋkaŋ yäŋpäŋ-mägayäk täŋtän kuk täkaŋ udewanikät itpäŋ oretoret nämo täk täyat. Nämo, gäk man näwet täyan unita juku piŋpäŋ äma waki täŋpanita kokwawak taŋi nadäŋkaŋ näkŋa pärik it täyat. ¹⁸Upäŋkaŋ komi imata wari wari nadäŋ itat? Komi nadätat uwä paräm bänepnaken tokŋetak u mebäri imata u bäräneŋ nämo tägak täyak? Gäk ume äpä kum täŋpani ude täŋnäŋjaren,

^h **15:15** Mat 5:11-12, 10:22, 19:29; Rom 12:19; 2Ti 4:14; 1Pi 4:14-16 ⁱ **15:16** Sam 19:10, 119:72, 97, 103

ume säkgämän nänpa yäkŋat pänku ume kawuk täwanipän käwa waneŋo ude?

¹⁹Ude yänjira Yawetä kowata ŋode näwetkuk; Gäk näkken äneŋi äbänjiri gämagutpän gepmaŋpa piä watä ämana ude äneŋi täga api iren. Täŋkaŋ man jopjop yäkyäk kädet u peŋpän man täga mebäri niked ugänpän yänahawayän täyan uwä näkŋo mena jinom yäpmänpän bumik api iren. Ude tänjiri ämawebe gabänkaŋ api gäwarän täneŋ, gäkä ämawebe nämo api yäwarän täwen. ²⁰Ude tänjiri gäk näkŋa tänpewa ämawebe u iŋamiken yewa kehäromi, ainpän täŋpani ude api iren. Näkŋa watä säkgämän it gamiŋira ämawebe u iwan täŋ gamiŋpän täga nämo api yäpmän äpneŋ. ²¹Nämo, näkä äma waki täŋpani, butewaki bänep nadäk-nadäki-kät nämo kuŋat täkaŋ unitäŋo keriken nanik wädän tädotpän api gepmaŋpet. Yawe näkä ude yänkehärom täyat.

Jeremaia 17:5-8

Man wakikät man täga

- 17** ^{5j} Yawetä ŋode yäyak;
 Äma ŋodewani uwä wakita biŋam; Äma Yawe näk mäde ut namiŋpän noriyeta nadän yämikinik täŋpän uterak tubeŋ kuk täkaŋ, ba äma täŋo kehäromita nadänjirä ärowani täk täkaŋ.
⁶ Äma uwä päya kome waki, gakŋini nämoken gämäneŋ ärok täkaŋ ude wani. Uwä imaka täga ahänayän täkaŋ uwä nämo api yabäneŋ. Nämo, uwä kome kawukiinik, ämatä itpän-nadäk nämo täŋpaniken jäwärigän api itneŋ.
- ^{7k} Upänkaŋ ämawebe Yawe näk nadän namikinik täŋpän näkä terak tubeŋ kuk täkaŋ uwä säkgämän itkaŋ.
- ^{8l} Äma ude wani uwä päya ume pomi terak piwani ude. Unitäŋo jäwäri pewä yäpmän ume gänaŋ äpmok täkaŋ unita edap dapuri taŋi ijiweko upänkaŋ nämo umuntäneŋ. Nämo, uwä kubirigän pen ärok täkaŋ. Täŋpakaŋ iwän kadäni kəroŋi nämo taweko upänkaŋ nadäwätäk nämo täk täkaŋ. Nämo, unitäŋo bureni uwä pen yäpurärät pän pat täkaŋ.

Jeremaia 20:7-13

Jeremaia tä Anutu bänep nadän bäräpi yänahänpän iwetkuk

- 20** ^{7o} Yawe, gäkä yännäŋatpewi gäkŋo man u nadänpän piä ämaka ude itkut. Kehäromika uwä näkŋo kehäromi irepmitak

^j 17:5 Sam 62:9, 118:8; Hib 3:12 ^k 17:7 Sam 25:2, 34:8, 146:5; Ais 50:7; Rom 10:11; 1Pi 2:6 ^l 17:8 Sam 1:3, 92:12

unita gäkŋo piä man namiŋkuno u täga nämo irepmitkut. Täŋkuropän apiŋo ämawebe yänärok näwetpän kepma kepma yänpän-nabän mägayäk bumta täj itkaŋ. ⁸ Man kwini kubä nämo yänahäk täyat. Kadäni kadäni gäkŋo meka jinom yäpmänpän tänpäwak ba komi ahäkta mangänpän yänahäk täyat. O Yawe, gäkŋo manbiŋam ude yänahäk täyat unita ämawebetä u nadänkaŋ mäyäk namiŋpän kadäni kadäni naniŋ täwet täkaŋ.

⁹ Tänpäkaŋ gäkŋo man yänahäkta bitnänpän mäde ut gamikta nadäk täyatken gäkŋo manbiŋamta nadäk täyat unitäwä bänepna kujatnaken kädap mebettä-yän ijij yäpmän kuk täyak. Täŋirän manbiŋam u käbop peŋpän täga nämo yänahäkta pipiri pähap täk täyat upänkaŋ täga nämo. ¹⁰ Tänpäkaŋ äma mäyaptä jiap terak ŋode yänirä nadäk täyat; Jeremaia uwä umun mangän wari yäk täyak. Unita apiŋogän manken tena! Ude yänirä notnaye bok kuŋaranitä imaka, wakitä näkä terak ahänpän tänpäwakta dapun täj itkaŋ ŋode yäk täkaŋ; Täga käwep täŋikŋatpena maŋpän man yäk täyak unita kowata komi kaŋ imina.

¹¹ Ude yäk täkaŋ upänkaŋ Yawe, gäk täŋkentän namikta komi äma kehäromigämän udewani it namitan. Unita äma komi namik täkaŋ uwä näk tänpäwakta api tänpä waneŋ. Tänpä wawäpän mäyäk yäpnayan täŋo uwä ämatä täga nämo api guŋ täneŋ. U pen yänpän-nadäk api täk täneŋ. ¹² Unita Yawe kehäromi mähe mi, gäk ketka terak bänep nadän bäräpna ŋo peyat. Gäk äma siwoŋi täŋo bänep nadäk-nadäki kaŋpän nadänpän yäpmän danik täŋpani unita ämawebe waki uken tänpäwakka pewi ahän yämiŋirän kaŋ kaŋpän nadäwa.

¹³ Yäke! Yaweta oretoret kap teŋ imiŋpän wäpi biŋam punin pena. U imata, äma jäwäri äma waki täŋo keriken nanik wädän tädotpän yepmak täyak unita.

Jeremaia 23:1-6

Intäjukun äma täga kubä api ahäwek

23 ¹ Yawetä ŋode yäyak; Wa! Juda äbotken nanik yawak ämawebenayeta watä irani uwä api waŋ moreneŋ! Watä äma uwä ämawebenaye däpmänpän yäwat kireŋpewä ämetpeŋ kuŋtänpä kuk täkaŋ unita.

² Unita Isrel täŋo Anutu Yawe unitä yawakiye täŋo watä ämata ŋode yäyak; Yawe näkä bureni ŋode yänahänpän täwetat; Inä yawaknayeta watä säkgämän nämo itkaŋ täŋgaŋa-gaŋa täŋirä eruk ämet tänpä kuŋkuŋo unita waki ude täŋkuŋo unita näkä kowata komi piä api tamet.

^m 20:9 Luk 9:62; Apos 4:20, 17:16; 1Ko 9:16-17; 2Ko 5:13-15 ⁿ 20:11 2Ti 4:17

^o 23:1 Mat 23:13-15, 15:14; Luk 11:46; Jon 10:10; 1Ti 6:5; 2Pi 2:1

³Ude tånkuņopån yawaknaye komeni komeni tånpewa kuņtånþä kuņþån kumån moreņkuņo kokoki ittån kukaņ u nåkņa åneņi yåmagut pübä ini yewaken åbot kubågån api yepmaņpet. Ude tånþakaņ yeriniye ahån-bumbum api täneņ. ⁴^p Ude tånirå watå åma yabån ahånþån yepmaņpa watåni säkgåmån it yåmiņirå umunkåt nåmo kuņarirå uken nanik kubåtå jop nåmo api paorek. Yawe nåkä ude yånkehårom täyat.

⁵Tånþakaņ Yawe nåkä åneņi ñode yåkgån tånþa; Åma siwoņi kubå Devittå åbotken nanik iwoyånþån tewa kwawak ahåwekta kadåni kubå iwoyånjkuro itak. Åma unitå intåjukun åma ude itkaņ nadåk kådet siwoņi täga terak åmawebe api yåmagurek. ⁶^q Tånþakaņ unitåņo kadåniken Juda åbottå säkgåmån irirå Isrel åmawebe bånep kwini terak api itneņ. Tånkaņ unitåņo wåpi ñode api yåwetneņ; Yawe siwoņi irit kuņat-kuņat tåņo måhemnin bureni-inik.

Jeremaia 23:23-29

Man jopi ba Anutu tåņo man bureni unita man

²³Yawe nåkä ñode yåyat; Jide? Nåk Anutu tuångån irani yån nadåkaņ? Nåmo, nåk banken imaka, it täyat. Nåk uken-uken kudup it täyat. ²⁴^r Tånþån åma kubåtå kome kubåken kåbop ireko uwå nåk täga nåmo kaņ-ahåwek yån nadåkaņ? Ude nåmo, nåk kunum kenta kome kåwuri kåwuriken kudup it morek täyat.

²⁵Nadåkaņ? Profet nåk wåpna terak u ba u api ahåwek yån yåk tåkaņ upånkaņ jop man yåk tåkaņ. U dånmonken kaņkumån yån yåk tåkaņ. Upånkaņ nåmo, nåk jop man yåk tåkaņ u nadåk täyat. ²⁶Profet u man jop man iniken nadåkken nanik yåpmånþån yånahånirå nåkņo åmawebenaye jop yån-yåkņat tåkaņ u jidegån api peneņ? ²⁷Uwå imaka dånmonken kaņþån nåwetgåwet tånþån åmawebenayeken yånahånþån ñode nadåk tåkaņ; Ude tånřitna åmawebetå Anutu måde kaņ ut imut, åbekiye oraniyetå måde ut imiņþån anutu jopi Bal u iniņ oret tånkuņo udegån yån nadåk tåkaņ.

²⁸^s Unita profet kubåtå imaka dånmonken kåweko uwå ñode yånahåwek; U dånmonkengån kat, u bureni nåmo kåwep yån yånaņi. Tån profet kubå nåkņo man bureni mena jinomken nanik yåpeko uwå nåkņo man u nadåk kubåkåt nåmo awåhutþån bureniğån yånahåwek. Unita jide nadåkaņ? Rais gupi pidåmi u naņþå tågawek, ba rais bureni naņþå tågawek? ²⁹^t Yawe nåkä ñode täwera nadåwut; Nåkņo man bureni uwå kådåp mebet bumik, ba noņ-gemåntå mobå dånþån kokoyåk tåkaņ ude bumik yåk.

^p 23:4 Sam 78:72; Apos 20:28-29; 1Pi 5:1-4; Jon 10:27-30 ^q 23:5-6 Jer 33:14-16

^r 23:24 Stt 16:13; Sam 139:7-16 ^s 23:28 1Ko 3:12-13, 4:2; 2Ko 2:17; Hib 4:12

^t 23:29 Luk 24:32; Apos 2:37; 2Ko 2:16, 10:4-5

*Jeremaia 24:1-10***Wama waki ba täga unitäño man wärani**

24 ¹ Tänpäkañ Babilon nanik täño intäjukun äma Nebukatnesatä Juda ämawebe iwan täñ yämiñpäñ Jerusalem nanikpäñ yäñ-yäkñat yäpmäj Babilon kuñkuk.

U Jehoiakim täño nanaki wäpi Jekonaia, Juda nanik täño intäjukun äma ukät Juda nanik täño äma ekäni ekäni ba äma keritä imaka imaka täkta mebäri nadäwani u kudup Babilon komeken yäñ-yäkñat yäpmäj kuñkuk. Eruk u punin terak Yawetä Jeremaia näk döpmonken ñode näwoñärenkuk; Wama mujip yäk yarä Yawe täño kudupi yot yämaken irirän yabäñkut. ²Yäk kubäwä wama mujipi täga. Täñ yäk kubäwä mujipi waki, ämatä täga nänäñi nämo.

³Yawetä ude näwoñärenpäñ eruk näwet yabäñkuk; Jeremaia, imatäkenpäñ käyan? Ude näweränä ñode iwetkut; Wama mujipipäñ yabätat yäk. Mujipi täga uwä tägagämän. Täñ waki uwä wakiinik, ämatä täga nänäñi nämo.

⁴Ude iwerawä Yawetä näwetkuk; ⁵Yawe, Isrel täño Anutu näkä ñode yäyat; Wama mujip täga udewani ätuwä Juda nanik ätu yawat kireñpewa Babilon kuñkuño unita nadäwa täga täkañ. ⁶Ämawebe unita watä säkgämän it yämiñpäñ äneñi yämagut yäpmäj kome ñoken api äbet. Ude täñkañ nämo api täñpa waneñ. Nämo, näk api täñkentäj yämet. Yabäñ yäwarira ini ugän säkgämän api itneñ. Äneñi nämo api yawat kirewet. ⁷Yäñ Täñkañ bänepitä näk äneñi nepmäñitpäñ unita näka Yawe, Anutu bureni yäñ nadäkta bänep nadäk-nadäki kodaki api kireñ yämet. Ude täñjira uwä näkño ämawebe ude irirä näkä unitäño Anutuni api it yämet.

⁸Tänpäkañ wama mujipi waki, ämatä täga nänäñi nämo udewani ureñ täñpä kuk täkañ udegän näkä Juda täño intäjukun äma Sedekaia ukät täñkentäkiye ba Jerusalem nanik ini komeni kujatken pen it täkañ unita udegän api täñ yämet yäk. Äma u Isip komeken itkañ ba komeniken ño itkañ u kudup waki pentagän api täñ yämet. ⁹Ude täñ yämiñpäñ yawat kireñpewa komeni komeni kuñtäñpä kunayäj täkañken ämawebetä unitäño biñam nadäñpäñ unita nadäwä taräkiinik täñpäpäñ sära yäwetpäñ api yäniñ wärätneñ. ¹⁰Täñkañ yäñpewa nakta jop itpäñ kumäñit, käyäm wakitä täñpän wawäpäñ kumäñirä iwantä päbä däpmäkgän api täneñ. Ude täñ yäpmäj kuñ irira ämawebe äbot uwä kome äbekiye oraniye ba inita yäniñ kirewani uken kudup api paot moreneñ.

¹ 24:1 2Kn 24:12-16; 2Sto 36:10 ² 24:7 31:33-34; Lo 30:2-4; Rom 6:17; Hib 8:10

Jeremaia 26:1-16

Jeremaia kumäj-kumäj utta yäjkuņ

26 ¹⁻² ^w Jehoiakim, Josaia tājō nanakitā Juda tājō intājukun āma ude yāput peņpāj api irirān kadāni uken Yawetā Jeremaia ŋode iwetkuk; Yawe nākā ŋode peņ gāwetat; Gāk kumaņ pāņku kudupi yot tājō kābeyā bāgupken itkaņ Juda tājō yotpārare uken-uken naniktā nanioret kābeyāta u ābāk tākaņ u man yāwetta peņ gāwetkuro u kudup yāñahājñpāj kaņ yāwet. Man u kubā kābop nāmo pewen. ³Man u kudup yāñahājñiri āmawebe u nadājñpāj iyap taņpāj bānep āyājñutpāj tāktāki waki u peņ moreneņ kāwep. Ude bureni tānayāj tājō taņpāwā peñawākita yājñpāj taņpāwak tāñ yāmikta man bian yājñkuro u peņpāj bureni nāmo api tāņpet.

⁴Eruk, Yawetā āmawebe man ŋode kaņ yāwet yāj nāwetkuk; Yawe nākā in ŋode peņ tāwetat; In nākņo man u nadājñpāj бага jukuman nitek tamiņkuro u kaņ iwarān tāwut. ⁵Tāñkaņ profet piā āmanaye, wari wari yāniņ kireņpewa āreņpāj man yāñahāk tākaņ upāñkaņ in unitājō man u nāmo nadājñpāj iwatkuņ. Tāj apiņowā mani nadāj imiņpāj kaņ buramiwut. ⁶^x Ude nāmo tānayāj tājō uwā kudupi yot ŋo api tāņpa waneņ, bian Silo komeken naniņ oretoret kābeyā bāgup tāņpa waņkuņo ude. Ude tāñjira āma ābori āboritā man waki yānayāj nadājñpāj kome ŋonitājō wāpi api yāneņ.

⁷Eruk Jeremaiatā Yawe tājō yot gānaņ man u yāñahājñirān bāmop āma, ba profet ātukāt āmawebe kuduptagāntā nadājñkuņ. ⁸Tāñkaņ man kudup Yawetā u yāñahākta iwetkuko udegān yāñahājñ morewānā bāmop āma, profet ba āmawebe kudup akuņ kireņpāj iñitpāj yājkuņ; Gāk apiņo kumākinik tāņpayāj! yāk. ⁹Gāk Yawe tājō wāpi terak imata yot ŋo Silotā waņkuko udegān api wawek yāj yāk tāyan? Ba imata yotpārare ŋo waņpāj āmawebe kuduptagān api paotneņ yāj yāñahāk tāyan? Ude yājñpāj Yawe tājō yot gānaņ u Jeremaia it gwājñkuņ.

¹⁰Eruk Juda nanik tājō āma ekāni ekānitā biņam nadājñpāj intājukun āma tājō yot gānaņ naniktā āpāņpāj pāņku Yawe tājō yot gānaņ āroņpāj yot unitājō yāma kubā wāpi Yāma Kodaki uken kābeyā tākta maņitpāj itkuņ. ¹¹Maņit irirā bāmop āma ba profettā āma ekāni ekāni ukāt āmawebe kuduptagān itkuņo u ŋode yāwetkuņ; Āma ŋo yotpārare ŋo wakta yāñahājñirān nadāk tākaņ. Unita kumākta biņam tāņpān! yāk.

¹²Ude yāwāwā Jeremaiatā āmawebe kuduptagān ŋode yāwetkuk; Yawe ini yot ba yotpārare ŋonitājō man yāñahājñira intā nadākta peņ nāwet-pewān ābut. ¹³Unita ŋodetā irit ba tāktākjin yāpā-tāgawāpāj

^w 26:1 2Kn 23:36–24:6; 2Sto 36:5-7 ^x 26:6 Jos 18:1; Sam 78:60; Jer 7:12-14

Yawe Anutujin tãjo man buramiŋpãŋ kuŋarut. Ude tãnayãŋ tãjo uyaku Yawetã kokwawaki peŋpãŋ tãŋpãwak ahãŋ tamikta yãŋkuko u nãmo api pewãn ahãwek. ¹⁴Tãŋ nãhã ketjin terak itat. Unita imaka u ba u tãŋ namikta nadãwã siwoŋi tãŋpãwã udegãn kaŋ tãŋ namut. ¹⁵Upãŋkaŋ nadãkinik ñode tãŋput; Nãk kumãŋ-kumãŋ nutnayãŋ tãjo uwã ãma momina nãmo nãkŋo nãgãttã in ba yotpãrare ñoken ba ãmawebe uken it tãkaŋ u terak api ãrowek. U imata, Yawetã ini man pãke ño yãŋahãŋpãŋ tãwerira intã nadãkta nepmaŋpãŋ yãpmãŋ äbut.

¹⁶Jeremaia man ude yãwãnã ãma ekãni ekãni ukãt ãmawebe kuduptã bãmop ãmakãt profet ñode yãwetkuŋ; ãma ño kumãkta biŋam tãnaŋi nãmo! Uwã Yawe Anutunin tãjo wãpi terak man u niwet yãpmãŋ äbãtak yãk.

Jeremaia 28:1-9

Jeremaiatã profet jopi Hanania jukuman iwetkuk

28 ¹Yuda tãjo intãjukun ãma Sedekaia u obaŋ 4 komepak 5 ude intãjukun ãma piã wãp yãpmãŋpãŋ irirãn, eruk obaŋ u gãnaŋ profet kubã Gibeon yotpãrareken nanik wãpi Hanania, Asu tãjo nanaki unitã man kubã nãwetkuk. Nãk kudupi yot gãnaŋ, bãmop ãma ba ãmawebe iŋamiken irira ñode nãwetkuk; ²Yawe kehãromi mãhemi, Isrel tãjo Anutu u ñode yãŋkuk; Babilon tãjo intãjukun ãma unitãjo kehãromini uwã yãpmãŋ äpãkinik tãŋkuro unita komi piãjin u api tãrewek. ³Obaŋ yarã nãmo tãreŋirãn kudupi yot tãjo tuŋum säkgãmãn Babilon tãjo intãjukun ãma wãpi Nebukatnesatã kubo tãŋpãŋ komeniken yãpmãŋ kuŋkuko u äneŋi api yãpmãŋ äbet. ⁴Juda tãjo intãjukun ãma wãpi Jekonaia, Jehoiakim tãjo nanaki ukãt Juda ãmawebe kuduptagãn iwantã Babilon kome yãpmãŋ kuŋkuŋo u imaka, yãŋ-yãkŋat yãpmãŋ api äbet. Bureni, Babilon tãjo intãjukun ãma unitãjo kehãromi yãpmãŋ äpãkinik api tãŋpet. Yawe nãkã ude yãŋkehãrom tãyat.

⁵Eruk, Hananiatã man ude yãŋirãn nadãŋpãŋ profet Jeremaiatã Yawe tãjo yot gãnaŋ bãmop ãma ba ãmawebe kudup itkuŋo u iŋamiken ñode yãŋkuk; ⁶Tãgagãmãn yãyan yãk. Yawetã yãyan udegãn kaŋ pewãn ahãwut. Kudupi yot tãjo tuŋum, ba ãmawebe Babilon naniktã yãŋ-yãkŋat yãpmãŋ komeniken kuŋkuŋo u äneŋi kaŋ yãpmãŋ äbãn yãŋ nadãtat. ⁷Upãŋkaŋ apiŋo gãkŋa ba ãmawebe kudup nãkã man kubã yãwayãŋ tãyat ño juku peŋpãŋ nadãkot! ⁸Nãk ba in nãmo iritna profet bian itkuŋonitã it yãpmãŋ äbãkaŋ u profet man ñode yãŋkuŋ; ãmik, tagwãn irit ba kãyãm wakiinik unitã ahãŋkaŋ ãmawebe komeni komeni ba äbot kehãromi nikek mãyap api tãŋpãn waneŋ yãŋ yãŋkuŋ. ⁹Tãŋ profet kubãtã säkgãmãn irit tãjo profet

† 28:1 2Kn 24:18-20; 2Sto 36:11-13

man yäweko uwä imaka unita yäweko u bureni ahäñirän uyaku ñode täga yäne; U profet bureni, Yawetä pewän äbani. Nämo täñpawä, nämo!

Jeremaia 31:7-13, 31-34

Anututä ämawebeniye api täñkentän yämek

- 31** ⁷Yawetä ñode yäyak;
 Isrel äbotta yänpäñ oretoret kap tek täkot. Anutu injamiken Isrel äbot uwä äma äbori äbori päke u yärepmitak.
 Unita gera terak naniñ orepän ñode yäk täkot; O Yawe, Isrel ämawebe kokoki yarägäntä mäde nämo ut gamiñkuño u täñkentän yämi yän yäk täkot.
- ⁸ Bureni, Anutu näkä ämawebenaye kome unude käda iwantä yäpmän kuñkuño uken nanik ba komeni komeni kuñtäñpä kuñkuño uken nanik äneñi api yän-yäkñat yäpmän äbet.
 U kuduptagän, äma äbot pähap api yämaguret. Äma dapuri tumbani, kwäyähäneñ täñpani, webe koki nitek ba nanak bäyanayän täñbubik täkañ u imaka api yämaguret.
- ⁹ Ämawebe uwä oretoret täñpäñ konäm kottän api ämneñ. Ba näkken yänpik man yänñtäñ api ämneñ.
 Bureni, näk Isrel ämawebe täño nani ude irira uwä nanakna tuäna ude irirä näk kädet bähatgän ume säkgämän dubiniken yän-yäkñat yäpmän äbänjira jibi kubä nämo api yäpneñ.

Anutu täño ämawebetä säkgämän api itneñ

- ¹⁰ Äma äbori äbori in juku säkgämän penkañ Yawe täño man täwerayän täyat ño ket nadäwut. Nadänpäñ udegän yänahänjirä ämawebe gwägu pähap udude käda itkañ u imaka, nadäwut.
 Isrel ämawebenaye yäwat kireñpewa uken-uken kuñtäñpä kuñkuño uwä äneñi yän-yäkñat yäpmän äbä äbot kubägän yepmañpäñ watä säkgämän api it yämet, sipsip watä ämatä täk täkañ ude.
- ¹¹ Bureni, Yawe näkä Jekop täño äboriye iwan kehäromi keriken itkañ u epän tañi täñpäñ näkñata äneñi api yäpet.
- ¹² Ude täñjira Saion pom terak päro itkañ oretoret tañi, gera mämä terak api täñ itneñ. Täñkañ imaka imaka Yawe näkä ñode bujät yämayän täyat unita oretoret u api täneñ;
 Ketem, wain umekät olip gakñi, sipsip ba bulimakau u kudup näkä api yämet. Ude täñ yämiñjira epäniken yänattä ume säkgämän wädänkañ gäripi nitek ärok täkañ ude api täneñ. Täñkañ täñbutebute wari nämo api täneñ.
- ¹³ Täñpakañ kadäni uken webe gubañitä kap teñkañ oretoret api täneñ. Täñjirä äma gubañi ba tägawani u imaka, udegän api täneñ.

Näkä konäm butewakini yäpman̄ kewen̄pān̄ oretoret, bānep pidām
api pewa ahān̄ yāmineŋ.

....

Topmāk-topmāk mebāri kubā

31^z Yawetā ḡode yāḡkuk;

Kadāni kubā iwoyāḡkut. Kadāni uken āmawebe Isrel ābotken nanik
ba Juda ābotken nanik ukāt topmāk-topmāk kodaki api pewa
ahāneŋ.

32 Tāḡpākaḡ topmāk-topmāk pewa ahānayāḡ tākaḡ uwā biani ude nāmo.
Biani uwā ābekiye oraniye Isip komeken nanik kerigān̄ yepmāḡitpāḡ
yāmagut yāpman̄ āburo ugān̄ tāḡkut.

Ude tāḡkuro upāḡkaḡ topmāk-topmāk unitāḡo man kāderi u nāmo
iwatkuḡ. Nāk āpi ude it yāmiḡkuropāḡ nāka bitnāḡkuḡ. Nāk
Yawetā man ude yāyat!

33^a Eruk, kāmi Isrel āmawebekāt topmāk-topmāk mebāri kubā ḡode
api tāḡpet; Man kādetna siwoḡi u nadāk-nadāki-ken peḡ yāmiḡpāḡ
bānepiken kehāromigān̄ api kudān̄ tāwet.

Ude tāḡkaḡ nāk Anutuni ude irira u āmawebenaye api itneŋ.

34^b Tāḡpākaḡ āmawebe kuduḡtagān̄, āpani ba ārowanitā Yawe nākḡo
mebārina api nadāwā tāreneḡo unita āma kubātā noriye āwāḡjiye
ḡode nāmo api yāwetpāḡ yāwoḡāreneŋ; Yawe tāḡo mebārinita
nadāwut.

Tāḡpākaḡ āmawebe unitāḡo wakini peḡ moreḡpāḡ mominita guḡ
takiniḡ api tāḡpet yāk. Yawe nākā ude yāḡkehārom tāyat.

Jeremaia 33:14-16

Devittā ābotken nanik intājukun āma kubā api ahāwek

33^c 14^c Yawetā ḡode yāḡkuk;

Isrel ba Juda ābotta iron tāḡ yāmiḡta yāḡkehāromtak man
bian yāḡkuro unitāḡo bureni pewa ahākta kadāni ahāwayāḡ tāyak.

15 Kadāni uken nākā Devittā ābotken nanik āma siwoḡi kubā api pewa
ahāwek, kāruk kodaki imātpāḡ abāk tākaḡ ude. Tāḡkaḡ āma unitā
āmawebe kudān̄ siwoḡi terak api yāmagurek. 16 Tāḡpākaḡ unitāḡo
kadāniken Juda ābottā sāḡgāmān̄ irirā Isrel āmawebe bānep kwini terak
api itneŋ. Tāḡkaḡ unitāḡo wāpi ḡode api yāwetneŋ; Yawe siwoḡi irit
kuḡat-kuḡat tāḡo māhemnin bureni-inik.

^z 31:31 Mat 26:28; Mak 14:24; Luk 22:20; 1Ko 11:25; 2Ko 3:6 ^a 31:33 Hib 8:8-12, 10:16

^b 31:34 Hib 8:8-12; Hib 10:17 ^c 33:14-16 Jer 23:5-6